

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće
Broj: 01/1-30-Z/19
Kakanj, 30.04.2019. godine

Z A P I S N I K

**sa 30. redovne sjednice Općinskog vijeća održane 30.04.2019. godine (utorak) u velikoj sali za
sastanke Općinskog vijeća sa početkom u 9:00 sati
(sažetak zapisnika)**

Nakon intoniranja himne Bosne i Hercegovine, 30. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Džemal Bečirhodžić, Adnan Ibrahimspahić, Mejrema Purišević, Izudin Hrusto, Amar Selimović, Safet Šahman, Nadina Kovač, Senad Alajbegović, Namir Talić i Edin Aliefendić (**SDA**)

Jasmin Mušanović (**SBB BiH**)

Rešad Merdić i Zerina Kovač (**S BiH**)

Enes Piljug, Eldin Mijoč i Ahmed Begić (naknadno pristupio) (**SDP BiH**)

Slaven Katičić i Ivica Petrović (**HDZ BiH**)

Elvedin Delić (naknadno pristupio) (**A-SDA**)

Nusret Muslić, Evelin Bitić, Semir Mušija, Mirnes Merdić i Rizah Haračić (**samostalni vijećnici**)

Mujo Fafulić (**nacionalna manjina**)

Odsutni vijećnici: Mugdin Gorak (**SBB BiH**), Muhamed Kubat (**SDA**), Fahrudin Buza, Mirsad Tursum i Adisa Škulj (**S BiH**).

Predsjedavajući je konstatovao da je na sjednici u momentu prijave prisutno 24 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

Aldin Šljivo, općinski načelnik

Enver Kusić, sekretar organa uprave

Mirza Fazlić, pomoćnik općinskog načelnika za privredu, urbanizam i zaštitu okoline

Rešad Zaimović, pomoćnik općinskog načelnika za društvene djelatnosti, boračka pitanja, raseljena lica, izbjeglice i povratnike

Nurčo Kurtović, pomoćnik općinskog načelnika za imovinskopravne, geodetske poslove i katastar nekretnina

Bahrudin Arnaut, pomoćnik općinskog načelnika za opću upravu, radne i zajedničke poslove, lokalnu samoupravu i mjesne zajednice

Nurudin Hrusto, pomoćnik općinskog načelnika za civilnu zaštitu

Zijad Neimarlija, direktor Zavoda za planiranje i izgradnju općine Kakanj

Izjave, obrađivači, gosti:

Mirnes Bajtarević, direktor JP „Grijanje“

Fakir Ajdinović, direktor JU „Centar za socijalni rad“

Predstavnici medija:

**NTV IC Kakanj
Radio Kakanj
„Kakanjske novine“**

**„Naša riječ“
„Kakanjlive“
„Kakanj-x“**

**„Kaportal“
„Klix portal“**

Kratka saopćenja o radu sjednice i prethodnim pitanjima. U pripremi 30. sjednice Općinskog vijeća, Kolegij je razmatrao:

a) Informacija Službe za privredu, urbanizam i zaštitu okoline o provođenju postupka dodjele koncesije

Informaciju je Kolegij primio k znanju obzirom da je ista Služba pripremila prijedlog odluke o odbijanju izdavanja prethodne saglasnosti za dodjelu koncesije za izgradnju MHE „Trstionica“ koji će Vijeće razmatrati na svojoj sjednici.

b) Inicijativa Naše stranke za sufinansiranje troškova prijevoza srednjoškolaca

Kolegij je Inicijativu prosljedio na mišljenje Službi za finansije i Službi za društvene djelatnosti, boračka pitanja, raseljena lica, izbjeglice i povratnike.

c) Informacija Policijske stanice po Zaključku Općinskog vijeća 01/1-28-K-84/19 od 20.03.2019.

Informaciju je Kolegij primio k znanju.

d) Odgovor Komisije za utvrđivanje naziva novih ulica općine Kakanj na Zaključak Kolegija 01/1-27-K-55/19 od 28.02.2019.godine

Odgovor je Kolegij primio k znanju.

- e) Inicijativa građana za osnivanje MZ Bištrani**
- f) Inicijativa građana za osnivanje MZ Termoelektrana**
- g) Inicijativa građana za osnivanje MZ Plandište**
- h) Inicijativa građana za osnivanje MZ Gornja Ričica**
- i) Inicijativa građana za osnivanje MZ Kučići**
- j) Inicijativa građana za osnivanje MZ Tičići**

Inicijative građana za osnivanje novih mjesnih zajednica Kolegij je razmotrio i zauzeo stav da se o ovim inicijativama Vijeće treba objedinjeno izjasniti, te će se ostaviti rok Službi za opću upravu, radne i zajedničke poslove, lokalnu samoupravu i mjesne zajednice da pripremi prijedlog odluke o svim mjesnim zajednicama na području općine Kakanj. Kolegij Općinskog vijeća ovlastio je predsjedavajućeg da u saradnji sa Stručnom službom za poslove Općinskog vijeća formuliра zaključak o ovom pitanju.

Usvajanje zapisnika sa 28. i 29. sjednice Općinskog vijeća:

Predsjedavajući je zapisnik sa 28. i 29. sjednice Općinskog vijeća stavio na glasanje, te su isti usvojeni jednoglasno sa 21 glasom za.

Komentari na dostavljene odgovore na vijećnička pitanja:

Enes Piljug: je rekao da je dobio odgovore na dva vijećnička pitanja. Prvi se odnosi na izgradnju novog vodozahvata u Varilićima gdje se u odgovoru Zavoda navodi da je projekat djelimično završen, ali da bi se okončao potrebna su dodatna sredstva od cca 50.000 KM. Rekao je da mu nije jasno kako se tako loše isplanirao predmetni projekat, pa nedostaju tolika sredstva, te da bi se uprkos svemu trebala obezbjediti, jer mještani Varalića su bez vode. Drugi odgovor se odnosi na pitanje u vezi realizacije projekata koji su u Općinu predati prije osam i više godina, gdje se u odgovoru Zavoda navodi da su gotovo svi projekti realizirani u cijelosti ili djelimično, te navode da ne znaju o kojim se projektima konkretno radi. S toga je on ponovo rekao da postoje projekti koji dugi niz godina stoje i čekaju na realizaciju kao npr. projekat rasvjete u Tičićima, putne komunikacije Pope-Rivišća i dr.

Komentari na dostavljena mišljenja na vijećničke inicijative:

Safet Šahman: je rekao da je dobio odgovor iz ministarstva u vezi naplate služnosti puteva od mjesnih zajednica prilikom realizacije projekata u istima. Konkretni primjer za to je projekat rasvjete u Podborju. U odgovoru se navodi da inicijativi nije moguće udovoljiti, a u daljem dijelu stoji da se služnost ne naplaćuje od jedinica lokalne samouprave. U skladu s tim služnost puteva ne bi trebalo naplaćivati od mjesnih zajednica, ako se zna da je Općina Kakanj jedinica lokalne samouprave. Predložio je da se nadležne općinske službe angažuju da u saradnji sa ministarstvom predmetnu stvar izdefinišu.

Enes Piljug: je rekao da će komentarisati jedan prispjeli odgovor od ukupno tri inicijative koje je podnio na prethodne dvije sjednice Vijeća. Isti se odnosi na rekonstrukciju dva manja drvena mosta na putu Kakanj-Podborje. U odgovoru Zavoda stoji da rekonstrukcija mostova zahtjeva angažman većih finansijskih sredstava, a programima za 2019. godinu nisu planirana sredstva za rekonstrukciju navedenih mostova. Ponovio je da se radi o glavnoj putnoj komunikaciji za Podborje, te da bi trebalo uložiti napore i iznaći sredstva za realizaciju inicijative.

Zijad Neimarlija: je naglasio da je u predmetnoj inicijativi navedeno da se radi o dva manja mosta dužine 3-4 metra, a prilikom obilaska istih utvrđeno je da se radi o znatno većim mostovima i to 9 i 12 metara. Uz to je naglasio da je iz tekućeg održavanja izvršena popravka tih mostova u vidu zamjene talpi i ograda, a za kompletnu rekonstrukciju su potrebna znatna sredstva, što Vijeće u svojim programima za tekuću godinu nije planiralo.

Enes Piljug: je rekao da mu je poznato da rekonstrukcija ovih mostova nije predviđena programima, te je upravo inicijativu podnio s ciljem da se predmetni projekat naknadno uvrsti u neki od programa.

Vijećnička pitanja:

Rizah Haračić: je postavio dva vijećnička pitanja, prvo može li se obezbjediti stalno prisustvo policijskih službenika u ulici 311. lahke brigade u Kaknju, kako bi građani bili zaštićeni od pljački i napada maloljetnika koji se konstantno ponavljaju u toj ulici, do konačnog rješenja ovog problema i drugo pitanje da li postoji mogućnost da se pomogne pri sanaciji potoka kroz greblje u Dumancu, jer cjelokupna kanalizacija iz sela Dumanac ide kroz greblje i u ljetnim mjesecima proizvodi nesnošljiv smrad i izvor je moguće zaraze, a također vjernike ometa u obavljanju redovnih aktivnosti.

Enes Piljug: je postavio pitanje hoće li se i kada očistiti divlja deponija sa obale i korita rijeke Ribnice na potezu od skretanja za Subotinje do kamenoloma „Trgošped“.

Amar Selimović: je postavio pitanje koji je status močvare Bistrik, odnosno da li je na bilo koji način zaštićena, te da li postoji mogućnost da se na neki način zaštiti od prilaza motornim vozilima, zagađivanjem i drugo.

Vijećničke inicijative:

Rizah Haračić: je podnio dvije vijećničke inicijative i to da se dodjeli ime ulici u naselju Brus po istaknutom pojedincu Šemsiji Alagiću, koji je živio u toj ulici, a koji je preminuo tokom rata od posljedica ranjavanja. Druga inicijativa se odnosi na izmještanje kladionica iz ulice 311. lahke brigade u Kaknju, radi smanjenja lošeg utjecaja kojeg stvaraju za stanovnike ulice.

Enes Piljug: je podnio vijećničku inicijativu da se izvrši sanacija putne komunikacije od Podgore do Modrinja iz razlog što je znatno oštećena, te na istoj postoje dvije sjeline koje dovode u opasnost sve učesnike u saobraćaju na toj putnoj komunikaciji, a najviše mještane Modrinja.

Predsjedavajući je konstatovao da su vijećnici Semir Mušija, Adnan Ibrahimspahić, Mejrema Purišević, Amar Selimović i Namir Talić iskoristili pravo na vijećničku inicijativu bez korištenja govornice.

Semir Mušija: je podnio vijećničku inicijativu da se u narednom periodu planira izgradnja, odnosno nastavak izgradnje pješačke staze u MZ Haljinići uz regionalnu cestu R 466. Kako se u MZ Bjelavići

nalazi O.Š. „Omer Mušić“, uz regionalnu cestu R 466 prisutna je velika frekvencija djece. S toga se podnosi predmetna inicijativa, a u cilju postizanja veće sigurnosti djece i drugih pješaka.

Adnan Ibrahimspahić: je podnio dvije vijećničke inicijative. Prva da se pokrenu aktivnosti na zaključenju sporazuma sa JP „Željeznice“ FBiH u vezi izgradnje podvožnjaka ispod željezničke pruge na lokalitetu Željezničke stanice Kakanj. Obzirom da je Strategijom razvoja Općine Kakanj planirana izgradnja ovog podvožnjaka uz koordinirane aktivnosti sa JP „Željeznice“ FBiH, potrebno je iste pokrenuti radi rješavanja pitanja finansiranja, načina izvođenja radova, izbora izvođača radova i sl. Druga inicijativa je da se izvrši kategorizacija puta kroz naselje Malješ, odnosno da se pokrenu aktivnosti da navedeni put dobije javni status, kako bi održavanje puta preuzela Općina Kakanj. Navedeni put je u posjedu „Hidrogradnja“ d.d. Sarajevo, ali isti koriste mještani ovog naseljenog mjesta. Predmetni put je u katastrofalnom stanju, a obzirom na njegov pravni status Općina nema nadležnost nad njegovim upravljanjem i održavanjem.

Mejrema Purišević: je podnijela vijećničku inicijativu da se izvrši zamjena dotrajalih rasvjetnih tijela u ulici Omera Maslića u Kaknju i to u dijelu ulice koji vodi prema zatvorenoj područnoj školi O.Š. M.M. Bašeskija. Pomenutu dionicu koriste djeca školskog uzrasta (osnovna i srednja škola), gdje je izražena prisutnost pasa lualica, a predstoji i mjesec Ramazan kada je kretanje mještana radi izvršavanja vjerskih obreda povećano u večernjim satima.

Amar Selimović: je podnio vijećničku inicijativu da se izvrši popravak (rasvjetna tijela postoje) rasvjete, na mostu u Bilješevu, kao i da se izvrši farbanje stubova rasvjete.

Namir Talić: je podnio vijećničku inicijativu da se označi pješački prelaz na putu gdje se vrši prelazak ceste od O.Š. M.M. Bašeskija prema trgovačkom centru „Maxi market“. Na pomenutom mjestu učenici i građani prelaze cestu prema navedenoj trgovini gdje je to jedino i moguće, a da pri tome pješački prelaz nije obilježen. Radi veće sigurnosti djece i građana neophodno je to učiniti.

Utvrđivanje dnevnog reda:

Predsjedavajući je napomenuo da je prijedlog dnevnog reda usaglašen na sjednici Kolegija koja je održana 23.04.2019. godine. U međuvremenu je od Služba za imovinskopravne, geodetske poslove i katastar nekretnina pristigao još jedan materijal i to Prijedlog odluke o utvrđivanju javnog interesa u svrhu rekonstrukcije glavnog voda transportnog cjevovoda Bukovica u MZ Kraljeva Sutjeska. U skladu s tim je predložio da se isti uvrsti kao 12. tačka dnevnog reda.

Mirza Fazlić: je predložio da se tačka 5. dnevnog reda Prijedlog odluke o odbijanju izdavanja prethodne saglasnosti za dodjelu koncesije za izgradnju MHE „Trstionica“, povuče sa dnevnog reda i odloži za narednu sjednicu Vijeća, jer su se pojavile određene nejasnoće oko idejnog rješenja projekta, a u vezi uticaja projekta na okoliš, odnosno izvorište „Stog“.

Predsjedavajući je predložio da dnevni red sadrži 11. tačaka, s tim da se naknadno prispjeli materijal stavi kao 11. tačka dnevnog reda. U raspravi po predloženom dnevnom redu nije niko učestvovao, te je Vijeće sa 22 glasova za, bez glasova protiv i uzdržan usvojilo dnevni red za 30. sjednicu.

Usvojeni dnevni red:

1. Prijedlog programa razvoja zaštite i spašavanja ljudi i materijalnih dobara od prirodnih i drugih nesreća na području općine Kakanj 2019-2023
2. Prijedlog odluke o pristupanju izradi izmjena i dopuna Regulacionog plana „Kakanj“
3. Prijedlog odluke o dopuni Odluke o zonama sanitarne zaštite i zaštitnim mjerama za izvorište „Pitka voda“ Kakanj
4. Prijedlog odluke o davanju saglasnosti za utvrđivanje namjene mikrolokaliteta
5. Prijedlog odluke o izmjenama Odluke o visini subvencioniranja troškova transporta komunalnog otpada iz udaljenih mjesnih zajednica
6. Prijedlog odluke o gubljenju statusa javnog dobra
7. Prijedlog rješenja o imenovanju Komisije za provođenje javnog nadmetanja/licitacije pri prodaji poslovnih prostora u vlasništvu Općine Kakanj

8. Izvještaj o radu Komisije za procjenu prometne vrijednosti nekretnina za period 01.04.2018-31.03.2019.godine
9. Izvještaj o radu JU Centar za socijalni rad Kakanj sa finansijskim izvještajem za 2018.godinu
10. Informacija o stanju u sportu na području općine Kakanj
11. Prijedlog odluke o utvrđivanju javnog interesa

Tačka 1.

Prijedlog programa razvoja zaštite i spašavanja ljudi i materijalnih dobara od prirodnih i drugih nesreća na području općine Kakanj 2019-2023

Predlagač: Općinski načelnik

Obrađivač: Služba civilne zaštite

Izvjestilac: Nurudin Hrusto, pomoćnik općinskog načelnika

U diskusiji nije niko učestvovao i Vijeće je Program razvoja zaštite i spašavanja ljudi i materijalnih dobara od prirodnih i drugih nesreća na području općine Kakanj 2019-2023 usvojilo jednoglasno sa 22 glasa za.

Tačka 2.

Prijedlog odluke o pristupanju izradi izmjena i dopuna Regulacionog plana „Kakanj“

Predlagač: Općinski načelnik

Obrađivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je Odluku o pristupanju izradi izmjena i dopuna Regulacionog plana „Kakanj“ usvojilo jednoglasno sa 21 glasom za.

Tačka 3.

Prijedlog odluke o dopuni Odluke o zonama sanitarne zaštite i zaštitnim mjerama za izvorište „Pitka voda“ Kakanj

Predlagač: Općinski načelnik

Obrađivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je Odluku o zonama sanitarne zaštite i zaštitnim mjerama za izvorište „Pitka voda“ Kakanj usvojilo jednoglasno sa 21 glasom za.

Tačka 4.

Prijedlog odluke o davanju saglasnosti za utvrđivanje namjene mikrolokaliteta

Predlagač: Općinski načelnik

Obrađivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je Odluku o davanju saglasnosti za utvrđivanje namjene mikrolokaliteta usvojilo jednoglasno sa 23 glasa za.

Tačka 5.

Prijedlog odluke o izmjenama Odluke o visini subvencioniranja troškova transporta komunalnog otpada iz udaljenih mjesnih zajednica

Predlagač: Općinski načelnik

Obrađivač: Služba za privredu, urbanizam i zaštitu okoline

Izvjestilac: Mirza Fazlić, pomoćnik općinskog načelnika

U diskusiji nije niko učestvovao i Vijeće je Odluku o izmjenama Odluke o visini subvencioniranja troškova transporta komunalnog otpada iz udaljenih mjesnih zajednica usvojilo jednoglasno sa 23 glasa za.

Tačka 6.

Prijedlog odluke o gubljenju statusa javnog dobra

Predlagač: Općinski načelnik

Obradivač: Služba za imovinskopravne, geodetske poslove i katastar nekretnina

Izjestilac: Nurčo Kurtović, pomoćnik općinskog načelnika

U diskusiji nije niko učestvovao i Vijeće je Odluku o gubljenju statusa javnog dobra usvojilo jednoglasno sa 23 glasa za.

Tačka 7.

Prijedlog rješenja o imenovanju Komisije za provođenje javnog nadmetanja/licitacije pri prodaji poslovnih prostora u vlasništvu Općine Kakanj

Predlagač: Općinski načelnik

Obradivač: Služba za imovinskopravne, geodetske poslove i katastar nekretnina

Izjestilac: Nurčo Kurtović, pomoćnik općinskog načelnika

Usljedila je pauza od 5 minuta.

Predsjedavajući je pozvao predsjednika Komisije za izbor i imenovanje da Vijeću predloži sastav Komisije.

Edin Aliefendić: je predložio Komisiju za provođenje javnog nadmetanja – licitacije pri prodaji poslovnih prostora u vlasništvu Općine Kakanj u sljedećem sastavu: predsjednik Evelin Bitić, članovi Safet Šahman, Vinka Aletović, Mirnes Merdić, Nihad Bliznović, Elvedin Gačić, Sedin Kokić i Ivica Petrović.

U diskusiji nije niko učestvovao i Vijeće je jednoglasno sa 22 glasa za usvojilo Rješenje o imenovanju Komisije za provođenje javnog nadmetanja/licitacije pri prodaji poslovnih prostora u vlasništvu Općine Kakanj u predloženom sastavu.

Tačka 8.

Izveštaj o radu Komisije za procjenu prometne vrijednosti nekretnina za period 01.04.2018-31.03.2019.godine

Predlagač: Komisija za procjenu prometne vrijednosti nekretnina

Obradivač: Komisija za procjenu prometne vrijednosti nekretnina

Izjestilac: Amir Obralija, predsjednik Komisije

U diskusiji nije niko učestvovao, te je Vijeće jednoglasno sa 22 glasa za usvojilo Izveštaj o radu Komisije za procjenu prometne vrijednosti nekretnina za period 01.04.2018.-31.03.2019. godine.

Tačka 9.

Izveštaj o radu JU Centar za socijalni rad Kakanj sa finansijskim izvještajem za 2018. godinu

Predlagač: UO JU Centar za socijalni rad Kakanj

Obradivač: UO JU Centar za socijalni rad Kakanj

Izjestilac: direktor JU Fakir Ajdinović i predsjednik UO JU Mehmedalija Velispahić.

U diskusiji je učestvovao: Semir Mušija.

Semir Mušija: je konstatovao da je evidentno da je maloljetnička delikvencija u porastu, te je tražio da se vijećnici detaljnije upoznaju sa aktivnostima JU po ovom pitanju jer je to zakonska obaveza Centra, te kakva je saradnja po istom pitanju ostvarena sa Policijskom stanicom i Općinskim sudom u Kakanju. Po pitanju kriterija za ostvarivanje prava na zdravstvenu zaštitu je rekao da misli da su navodi na strani 11. Izveštaja u koliziji sa navodima sa strane 12. Izveštaja. Treće pitanje se odnosi na finansijski izvještaj, tačnije broj zaposlenih p otom izvještaju. Napomenuo je da je Vijeće vodilo u prošloj godini raspravu po

pitanju broja zaposlenih u Centru i da se u svim planovima i izvještajima u prošloj godini govorilo o 14 zaposlenih radnika, dok se u predmetnom Izvještaju nalazi podatak o 15 zaposlenih radnika.

Fakir Ajdinović: je rekao da je maloljetnička delikvencija u porastu na području općine, što se vidi iz podataka navedenih u Izvještaju. Rekao je da Centar poduzima zakonske korake i ostvaruje saradnju sa Policijskom stanicom i Općinskim sudom u Kaknju, a da je rezultat toga da je nekoliko maloljetnika višestrukih povratnika riješeno, ali je naglasio da još uvijek postoji par maloljetnika koji se često ponavljaju u izvršenju prestupa. Po pitanju zdravstvene zaštite je rekao da su novim Zakonom o zdravstvenom osiguranju uvedene nove kategorije lica koje ostvaruju pravo na zdravstvenu zaštitu putem Centra, te su zbog toga različiti kriteriji navedeni u Izvještaju. Što se tiče finansijskog izvještaja rekao je da je u toku 2018. godine, bio angažiran jedan dodatni radnik, pa je zbog toga bilo neophodno u Izvještaju navesti 15 zaposlenih radnika, a stvarni broj zaposlenih u Centru je 14 radnika.

Nakon diskusije Vijeće je jednoglasno sa 22 glasa za usvojilo Izvještaj o radu JU Centar za socijalni rad Kakanj sa finansijskim izvještajem za 2018. godinu.

Tačka 10.

Informacija o stanju u sportu na području općine Kakanj

Predlagač: Općinski načelnik

Obradivač: Služba za društvene djelatnosti, boračka pitanja, raseljene lica, izbjeglice i povratnike

Izvjestilac: Rešad Zaimović, pomoćnik općinskog načelnika

Stav i mišljenje: Komisija za mlade

U diskusiji nije niko učestvovao i Vijeće je Informaciju o stanju u sportu na području općine Kakanj prihvatilo jednoglasno sa 22 glasa za.

Tačka 11.

Prijedlog odluke o utvrđivanju javnog interesa

Predlagač: Općinski načelnik

Obradivač: Služba za imovinskopravne, geodetske poslove i katastar nekretnina

Izvjestilac: Nurčo Kurtović, pomoćnik općinskog načelnika

U diskusiji nije niko učestvovao i Vijeće je jednoglasno sa 21 glasom za usvojilo Odluku o utvrđivanju javnog interesa.

Općinski načelnik: je rekao da je u proteklom periodu bilo upućenih pitanja u vezi ne postavljanja natpisa na ulazu i izlazu iz grada, na kojima se čestitaju određeni praznici i građani informišu o aktuelnim događajima. Pojasnio je da je u fazi završetka postavljanje višenamjenskog LED displeja na ulazu u grad, putem kojeg će ubuduće građani biti informisani o svim servisnim informacijama i na kojem će se upućivati četitke u odgovarajućim prilikama. Na kraju je svim građanima čestitao međunarodni praznik rada 1. Maj, kao i nastupajući mjesec Ramazana onima koji isti obilježavaju.

Predsjedavajući se pridružio čestitkama za predstojeći praznik 1. Maj i nastupajući mjesec Ramazan, te je zaključio rad 30. sjednice Općinskog vijeća u 10:20.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR
OPĆINSKOG VIJEĆA**
Ferdo Mijač

**PREDSJEDAVAJUĆI
OPĆINSKOG VIJEĆA**
Slaven Katičić